

欽定八旗通志卷一百八十六

人物志六十六

大臣傳五十二

蒙古正白旗上 武訥格 明安

達哩 額琳齊岱青 色爾格克
克什圖 阿必達 拉錫 阿蘭泰

武訥格

武訥格姓博爾濟吉特其先居葉赫後隸蒙古正

白旗

太祖高皇帝創業興京諸蒙古向化武訥格率七十二人

來歸有勇畧兼通蒙古文及漢文

賜巴克什號歲癸丑從征烏拉有功授三等男天命十一年大軍圍明寧遠城未下

命分兵攻海中覺華島明叅將姚撫民擁衆四萬倚島列營鑿冰十五里爲壕衛以車楯我軍奪壕口進攻盡殲其衆焚所積芻糧及船二千餘乃還天聰三年春同額駙蘇納率左右翼蒙古及滿洲兵八十征察哈爾降二千戶以歸降者窺我兵少欲叛歸

明遂盡殺其男子惟釋二台吉俘婦女八千有奇
還分隸左右翼養贍之

上怒武訥格蘇納殺降有

旨切責奪所給駝馬牛羊是年冬從征明入龍井關克遵
化進軍都城北土城關明督師袁崇煥自寧遠來
援我左翼蒙古兵迎擊弗勝武訥格率右翼繼進
敗之

賜所俘獲之半犒其軍尋又攻克固安縣四年春克永平

明騎卒三千自玉田出武訥格遣兵擊走獲馬百餘自永平畧豐潤還聞明兵四千圍大安口城急赴援破其圍又設伏於樵採處斬獲無算五年從征明圍其總兵祖大壽於大凌河杏山守將與大壽書有携軍士棄城或卑騎潛來之語武訥格獲以獻於是我軍盡知城中虛實乃築壘鑿壕爲久困計武訥格統蒙古軍列營城東南大壽遣兵出圍我所取臺堡武訥格與貝勒阿濟格等夾攻殲

敵過半自是城中兵不敢復出六年同阿濟格招撫大同宣化邊境察哈爾人衆七年同貝勒阿巴泰等攻明山海關俘獲人衆牛馬以歸明兵追及武訥格殿力戰却之

太宗諭諸貝勒大臣曰武訥格所在建功今又殿後敗敵人臣爲國義當如是八年五月敘功晉三等公世襲罔替

賜勅免死罪二次時

太宗率諸貝勒分道征明

命武訥格統左右翼蒙古兵供調遣且策應大軍始與貝勒德格類收察哈爾降者千餘戶繼由獨石口越長安嶺至保安州會大軍於應州所過或攻或撫悉稱

旨閏八月自德勝堡班師遇逃入陽和之蒙古四百七十人收以隨軍九月喀爾喀部長族屬有爲察哈爾衆邀殺於路者奉

命領兵百人往緝追斬二十餘人而還九年二月卒

恩卹如典禮第三子廣泰襲三等公爵長德穆圖次齊墨

克圖自有傳

明安達哩

明安達哩蒙古正白旗人姓西嚕特世居科爾沁

父博博圖

太祖高皇帝時率七十餘戶來歸卽授爲佐領俾轄所屬

太宗文皇帝天聰元年隨征明錦州歿於陣子三等輕車

都尉世職明安達哩襲兼管佐領崇德三年任護
軍叅領隨貝勒岳託證明由密雲東北毀邊牆進
同都統伊拜擊敗明太監馮永盛兵攻克南和縣
六年隨大軍圍錦州敵據山巔列陣明安達哩率
所部護軍衝擊敵潰遁松山敵騎來犯復擊敗之
我師鑿壕駐守敵兵出錦州城奪橋明安達哩擊
却入城

上親督師敗明總督洪承疇三營步兵明安達哩奮勇力

戰又擊敗敵騎叙功晉二等輕車都尉七年冬隨
貝勒阿巴泰征明薊州薄燕京破明總督趙光抃
軍又同前鋒統領阿山擊走三河縣步兵進畧山
東八年春師還明總兵白廣恩張登科和應薦等
邀戰螺山明安達哩率所部擊之潰又同護軍統
領鰲拜破明總督范志完軍凱旋

賚白金是年擢禮部叅政兼正白旗蒙古副都統順治元
年隨大軍入山海關擊敗流賊李自成二年隨英

親王阿濟格征自成於延安府七戰皆捷招撫鳳翔等府降者三十餘城三年改兵部侍郎值蘇尼特部騰機斯與弟騰機特敏明安達哩隨豫親王多鐸率師往征扼據險要騰機斯等聞風遁走明安達哩乘夜追逐至鄂特克山大破賊衆斬其台吉茂海復同鎮國將軍瓦克達等追勦手斬十一人獲其輜重並擊敗土謝圖汗及碩雷汗兵五年擢正白旗蒙古都統七年兼任兵部尚書先是叙

入關征流賊及征騰機斯功晉爵至二等男世襲
罔替嗣以考滿並遇

恩詔晉一等男加一雲騎尉八年以議叙福建湖廣大同
軍功遲延削雲騎尉罰鍰九年列議政大臣復遇
恩詔晉二等子十年以徇隱興安總兵任珍擅殺事覺罷
尚書任降世職爲一等輕車都尉兼一雲騎尉十
一年統兵征俄羅斯敗敵於黑龍江十三年

上以明安達哩在部日久練達庶務授理藩院尚書十五

年十二月

命爲安南將軍率師駐防荊州十六年海賊鄭成功犯江
寧明安達哩率師赴援賊艘千餘泊三山峽明安
達哩督兵擊敗僞都督楊文英等擒斬僞副將一
獲船艦器械甚多賊退竄入海明安達哩旋奉

詔移師浙江駐防舟山十七年還京仍授兵部尚書康熙
三年考滿加太子太保六年調吏部尚書旋因疾
致仕八年二月卒

賜祭葬如典禮謚敏果子都克襲

額琳齊岱青

子扎木素

額琳齊岱青姓博爾濟吉特世居翁牛特初爲察

哈爾宰桑

太宗文皇帝天聰六年大軍征察哈爾其汗林丹驚懼率

衆奔土默特部旋自竄唐古特部部衆相繼散額

琳齊岱青欲歸我

朝會察哈爾部多爾濟塔蘇爾海率所屬游牧與大

軍遇倚山拒戰敗遁額琳齊岱青追及與之謀歸

順八年八月

上征明大同凱旋出尚方堡額琳齊岱青遂同多爾濟塔

蘇爾海率七百戶來歸

上遣大臣率兵衛其家屬至

盛京

賜賚優厚分隸蒙古正白旗崇德元年封二等子三年隨

睿親王多爾袞征明毀青山口邊牆入越燕京趨

山東額琳齊岱青遇敵輒奮戰克捷六年隨鄭親
王濟爾哈朗圍錦州明兵自松山來援者再又欲
劫我紅衣礮額琳齊岱青皆先衆擊卻之明總督
洪承疇集步騎十三萬列營松山額琳齊岱青偕
衆敗其三營步兵七年叙功晉一等子世襲罔替
八年卒子扎木素襲爵尋授散秩大臣順治十八
年十二月

聖祖仁皇帝卽位加恩諸大臣之舊自察哈爾來歸者扎

金定八加通志 卷一百一十六
木素與內大臣噶爾瑪散秩大臣沙哩岱等並

賜莊田奴僕康熙三年三月擢內大臣六年七月卒

賜祭葬如例以其子根敦扎布襲

色爾格克

色爾格克蒙古正白旗人姓博爾濟吉特先世居
喀喇徹哩克部父阿拜岱巴圖魯天聰時率衆來
歸子三等輕車都尉世職既卒色爾格克襲屢從
征伐授一等侍衛崇德元年隨豫親王多鐸圍朝

鮮國都國王李倬遁南漢山城移師攻之色爾格
克奮勇登山身中重創賞馬三匹五年隨鄭親王
濟爾哈朗等征明國錦州色爾格克率侍衛二十
人直前搏戰有歸明蒙古伯格依者素稱驍將色
爾格克擊斬之鄭親王遣啟心耶額爾赫圖奏其
功明年大兵圍錦州令色爾格克選驍勇前鋒兵
四十人伏荒地生擒明將一員王貝勒等嘉其勇
敢以所獲鎧甲器械全給之既而明總督洪承疇